

中国文献珍本丛书

中国书院志（三）

全国图书馆文献缩微复制中心

中国书院志总目录

第一册

虞山书院志（卷一—卷五）

第二册

虞山书院志（卷六—卷十）

第三册

虞山书院志（卷十一—卷十五）

第四册

长沙府岳麓志（卷一—卷四）

第五册

长沙府岳麓志（卷五—卷八）

第六册

长沙岳麓书院续志

第七册

白鹿书院志（卷一—卷十）

第八册

白鹿书院志（卷十一—卷十九）

第九册

嵩阳书院志

第十册

东林书院志

第十一册

南溪书院志

〔嘉靖〕山西通志中所载书院

〔乾隆〕平定州志中所载书院

〔嘉靖〕徽州府志中所载书院

〔嘉靖〕山东通志中所载书院

〔雍正〕崇安县志中所载书院

第十二册

- [乾隆]贵州通志中所载书院
[嘉庆]湖南通志中所载书院
[光绪]保定府志中所载书院
[雍正]河南通志中所载书院
[康熙]商丘县志中所载书院
[康熙]江西通志中所载书院
[乾隆]吉安府志中所载书院
[同治]铅山县志中所载书院

虞山書院志卷之十一

附耿令公學記

門人陸化熙輯錄

孫森編次

葉文奎

祝世屏

方鳴秋

湯衡

張法

言禧

徐濟忠

許士柔同校次

嚴 柟校梓

陸化熙曰學之爲言覺也覺有偏有全有後
有先要以性靈所儲有觸斯發相新無已顧
善學者所自取之自我耿師振鐸虞山風聲
旁邕鳬舄遙臨雨花霏玉承學受簡取裁主
人掌記者日筆而存之標之曰學問日錄師

意蓋曰是其與我同者可以信與我異者可
以思教我者可以志我所教者可以質自覺
覺人無非學問一紙一字姑存以自考也解
任後熙請而觀之其間爲教主之切偲十之
三同聲之應求十之二來學之叩鳴十之四
而一切寒溫語不與焉披玩再四不覺作而
嘆曰此之酬荅殊費精神即可備學術一段
公案用是芟其煩複稍以類從仍取日錄本
名約爲學記庶不泯主人孜孜好學之意而

一 凡我同志亦尚知所取衷云

孫森曰憶戊戌八月朔邑學文廟祥光燭天
人皆謂制科之祥而先人獨指示不肖曰此
當有真人蒞茲土大興斯文以紹明聖學者
歲甲辰耿師至果以命世之才荷振鐸之任
修文講德風動朋來而先賢文學精華一朝
爛焉噫師學何學也性學也卽大學所謂明
德也明吾德而遂以明天下明萬世舉天下
萬世之明而皆不外於自明則性中之光耀

爲何如而三千年來性學晦蝕夫誰不自埋
其照而自抑其光則聖人之學何賴焉會有
闡明真性如師造物者安得不長發其祥而
預開其兆也則雖謂文廟之光卽性道之光
可也謂吾師之學卽光明之體可也謂今日
同學諸君子相答問者相印證而冥合者人
人自吐其靈光皆吾師之光亦可也况師放
大光明普攝一切而諸家異同之旨盡融通
於大光明藏中此又所謂吾德明而天下萬

世之明胥不能外焉者然後知祥光之發信
非偶然而吾師之學之光直輝映千古也讀
吾師之書者人人自識其性中之光而吾師
乃爲一領曰是可與言學也已矣

先賢奉祀三生訓

一名紹慶一名繼祖一名庠

不佞初拜先賢神像于書院見書院廢爲草萊
像前堆積穢污心竊訝之及祭祠堂得與三友
從容譚論益復竊歎益灑掃應對爲學問之末
先賢雖嘗言之然非謂脫去灑掃應對而別有
學問之本也故程子曰灑掃應對便可到聖賢
地位只看其所以然如何噫書院祠堂廢而不
修有司之過也若祠宇之中一席之地終歲不
加一筵于心何安況三友儼然披衣巾奉先祀

視族衆高一等矣一奉家廟一奉祠堂一奉書院各有專責矣乃奉之爲言豈漫然無所事事耶況灑掃非麓仁孝誠敬卽此而在識得灑掃應對爲何物卽先賢有本之學思過半矣上司屢議裁友衣巾不佞不忍而尤不忍于此學之斬也勉旃勉旃

刻春秋成請教邑薦紳書

祭禮者先王孝治天下之大物也傳稱武周達孝便稱春秋祭祀之禮便達及大夫及士庶人

方是實事或問禘之說子曰不知也知其說者
之于天下也其如視諸斯乎指其掌曾子曰慎
終追遠民德歸厚矣都是實事假令此禮僅行
于人主而不行于天下以譚治隆有是理乎無
實事便無實效運掌之治歸厚之風虛而無據
矣孟子曰人人親其親長其長而天下平此是
實話但親親長長之心雖人人有之而于生者
終日聚首而居言語行事之間田產妻孥之類
相形相競反多乖異而良心蔽矣惟語以報本

追遠之事其心反無所隔礙而易動也故先王
制爲禮法達之天下使人人盡其仁孝而展其
誠敬興孝弟之德成仁厚之俗于此處猶爲得
力易曰風行水上渙先王以享帝立廟意蓋如
此近有佛氏假輪迴一說令天下人馳而驚之
燒香禮拜輸誠去僞雖見絕于有道亦不可謂
非神道設教之微意況先王祭禮之設其爲神
道設教尤切近而精實者況宗子之法幽事鬼
神明理族衆如根之有幹幹之有枝枝之有葉

皆天然條貫無容毫髮做作者三代之治此實爲之詩曰太宗維翰其斯之謂與不佞家食時於此道稍有所窺條而行之數載始成小譜一冊大抵皆祖先王之意因人心之良而爲之但致核未精制度未備殊覺麤鄙而可嗤爾以之就正于有道之門寧不見笑于大方之家古人云修之家者行之國不佞所學不過如此惟我賢士大夫以爲何如幸明以教我

瞿工部

名汝說號達觀常熟人

承示春秋一書極人子不容自己之情備先王
孝治天下之用真可與禮經並傳台教所謂生
多乖異而良心輒露于報本追遠真足以喚醒
愚俗只爲祭禮宗法漫不講明平日親長一念
雖勃然發動而終不免爲私意夾襍自己真心
不能自用可爲痛哭流涕無甚於此又竊見今
世講學者競以名理相標而至根本着實處可
行于愚夫愚婦者反未嘗講求一實用台臺獨
此躬行設教將能者倣而行之庶偷薄之風幸

有歸厚之日矣

聘教主啓

伏以鐸振昌期天啓師世淑人之任學提真脉
士欣明體適用之秋蓋壁聚奎聯之瑞不虛而
先覺先知之生非偶洙泗源流遠矣姚江提唱
依然若夫不博學不詳說曾途徑之未開縱爾
稱見性稱明心豈要領之果得如某者見守筌
蹄詣慚堂奧髫年勵志痛正學之無傳海邑分
符幸斯文之有在頃文學之堂新啓敢云繼響